



Broj: 01-1-09-38-11671/19

Datum: 06.12.2019. godine

Na osnovu člana 100. Zakona o javnim nabavkama Bosne i Hercegovine ("Službeni glasnik Bosne i Hercegovine", broj 39/14) i člana 70. Pravila škole, razmatrajući žalbu Ponuđača Euro Prost doo Gračanica od 03.12.2019. godine izjavljenu na Odluku o izboru najpovoljnijeg ponuđača br.01-2-09-38-1108/19 od 27.11.2019. godine koja se odnosi na nabavku radova za ugradnju lifta, Školski odbor JU Osma osnovna škola "Amer Ćenanović" Ilidža na svojoj sjednici održanoj dana 06.12.2019. godine d o n o s i

## ODLUKU

O usvajanju žalbe Ponuđača

Član 1.

USVAJA SE žalba ponuđača Euro Prost doo Gračanica na Odluku o izboru najpovoljnijeg ponuđača broj 01-2-09-38-1108/19 od 27.11.2019. godine, u konkurentskom postupku Nabavka radova za ugradnju lifta u JU Osma osnovna škola "Amer Ćenanović", te se nalaže Komisiji za javne nabavke ponovno ocjenjivanje Ponuda.

Član 2.

Ovom Odlukom stavlja se van snage Odluka o izboru najpovoljnijeg ponuđača br.01-2-09-38-1108/19, te Obavještenje Ponuđačima o izboru najpovoljnijeg ponuđača br.01-2-09-1109/19 od 27.11.2019. godine.

Član 3.

Ova odluka stupa na snagu danom donošenja i dostavt će se Ponuđačima, koji su učestvovali u predmetnom postupku javne nabavke, te će biti objavljena na web stranici škole [www.osmaosnovnail.edu.ba](http://www.osmaosnovnail.edu.ba)

## Obrazloženje

Na osnovu Odluke Školskog odbora o pokretanju postupka javne nabavke radova za ugradnju lifta br.01-1-09-38-1027/19 od 30.10.2019. godine, JU Osma osnovna škola "Amer Ćenanović" Ilidža, pokrenula je postupak Konkurentski zahtjev za dostavljanje ponuda za javnu nabavku radova za ugradnju lifta. Obavještenje o nabavci br.1307-7-3-70-3-1/19 objavljeno je na portalu javni nabavki dana 08.11.2019. godine. Kriterij za dodjelu ugovora je najniža cijena.

Na osnovu uvida u dostavljenu dokumentaciju, Komisija za javne nabavke je konstatovala da su ponude po predmetnom postupku dostavili slijedeći ponuđači:

1. Euro Prost doo, ul.Srednja Miričina bb, Gračanica
2. Fidges Upravitelj doo, ul.Geteova br.12, Sarajevo
3. Kone doo, ul.Mustafe Pintola bb, Ilidža

U skladu sa procedurom utvrđenom zakonom o javnim nabavkama, a na osnovu Zapisnika o ootvaranju ponuda JN br. 01-2-09-38-1052/19 od 22.11.2019. godine i Preporuke Komisije za javne nabavke 09-38-1104-2/19 od 26.11.2019. godine, ponuđač "Fidges upravitelj" doo Sarajevo je odabran kao najpovoljniji ponuđač za predmetni postupak, uz primjenu kriterija najniža cijena.



Na osnovu prihvaćene Preporuke Komisije za javne nabavke, donesena je Odluka o izboru najpovoljnijeg ponuđača br. 01-2-09-38-1108/19 dana 27.11.2019.godine., te je predmetna Odluka skupa sa Obavještenju o dodjeli Ugovora dostavljena Ponuđačima, učesnicima u predmetnom postupku.

Dana 29.11.2019.godine od strane ponuđača, firme Euro Prost, dostavljen je Zahtjev za uvid u ponudu ponuđača Fidges upravitelj doo Sarajevo, koja je u predmetnom postupku ocjenjena kao najpovoljnija. Rješenjem br.01-2-09-1130-1/18 od 02.12.2019.godine Ugovorni organ je odobrio zahtjev Ponuđača Euro prost doo, te je ovlašteni predstavnik Ponuđača Euro prost izvršio uvid u ponudu dana 03.12.2019.godine u prisustvu Direktora i sekretara škole.

Od strane Ponuđača Euro Prost doo je dana 03.12.2019.godine na protokol škole pod brojem 09-38-1142/19, zaprimljena Žalba na Odluku o izboru najpovoljnijeg Ponuđača po slijedećim tačkama:

1.Na strani 3. Tenderske dokumentacije tačke 2 podtačka c) traženi su dokazi vezano za ekonomsku i finansijsku sposobnost ponuđača :

c) ponuđač je dužan u svrhu dokazivanja ekonomske i finansijske sposobnosti dostaviti slijedeći dokaz

-Uvjerenje Centralne banke o stanju transakcijskog računa tj.da nisu bili blokirani u posljednja tri mjeseca.Navedeni dokumenti ne smiju biti stariji od 3 mjeseca računajući od trenutka dostavljanja ponude.**Dokazi koji se zahtijevaju moraju biti originalni ili ovjerene kopije.**

Ponuđač Fodges doo Sarajevo je dostavio uvjerenje Centralne banke kao običnu koju dokumenta.

2.Na strani 8. Ponude ponuđača Fidges upravitelj doo, u Izjavi ponuđača stavka 4.Preferencijalni tretman ponuđač nije zaokružio da li ispunjava ili ne preferencijalni tretman. Ugovorni organ je jasno naznačio da se zaokruži jedna od opcija.

3.Na strani 8.1 tenderske dokumentacije Fidges upravitelj doo, dostavljena je potvrda o uspješno izvedenim radovima od strane firme Sarajevostan. Ugovorni organ je naveo da potvrda izvršenja Ugovora treba da sadrži naziv i sjedište ugovornog organa, predmet ugovora, vrijednost ugovora, vrijeme i mjesto izvršenja Ugovora i navode o uredno izvršenim ugovorima. U dostavljenoj ponudi nije definisano vrijeme izvršenja Ugovora što je od bitnog značaja obzirom da je ugovorni organ tražio potvrde o uredno izvršenim radovima u podljednje 2 godine.

4.Na strani 9.ponude ponuđača Fidges upravitelj u obrascu za cijenu ponude nije ispravno popunjena cijena ponude . U tabeli za jediničnu cijenu po stavkama nisu uopšte upisane cijene, dakle polje za jediničnu cijenu ostalo je prazno a upisana je samo ukupna cijena ponude na predviđenom mjestu za ukupnu cijenu ponude.

5. Ponuda ponuđača Fidges upravitelj nije ispravno numerisana.Stranice ponude su numerisane cijelim brojevima te sa podbrojevima (npr.strana 4, zatim strana 4.1, 4.2 , zatim strana 5 itd.) dakle nije moguće utvrditi od koliko strana se navedena ponuda sastoji.

Razmatrajući po Žalbi ponuđača Euro Prost doo Gračanica, nakon što je utvrđeno da je blagovremena, dopuštena i izjavljena od strane ovlaštene osobe, izvršena je provjera navoda žalitelja po tačkama i utvrdilo se da je:

**Žalba osnovana po tački 1. Žalbe, obzirom da izabrani ponuđač nije dostavio original ili ovjerenu kopiju potvrde izdatu od strane Centralne banke o stanju transakcijskih računa, u svrhu**



**dokazivanja ekonomske i finansijske sposobnosti kako je traženo tenderskom dokumentacijom, odnosno da je od strane Ponuđača Fidges upravitelj dostavljena obična Kopija.**

Po pitanju ostalih tački Žalbe Ugovorni organ utvrđuje slijedeće :

**Tačka 2. Žalbe** –Preferencijalni tretman domaćeg- Ponuđač Fidges upravitelj nije zaokružio u Izjavi da li ispunjava uslove za preferencijalni tretman domaćeg, ali je u svojoj Ponudi dostavio Potvrdu br.05-05-03-27-4606/19 izdatu od strane Vanjskotrgovinske komore dana 19.11.2019.godine, kojom se potvrđuje da isti zadovoljavaju uslove za izdavanje certifikata o bh porijeklu, a koja u skladu sa Zakonom o javnim nabavkama je dokaz za primjenu preferencijalnog tretmana domaćeg;

**Tačka 3. Žalbe** – Potvrda o izvršenju Ugovora-Ponuđač Fidges doo sarajevo u Ponudi je dostavio Izjavu br.02-2034/19 od 8.10.2019.godine izdatu od strane Sarajevostan doo sarajevo, u kojoj je naznačen broj Ugovora i datum, te je Ugovorni organ kao vrijeme izvršenje Ugovora uzela u obzir datum Ugovora sadržan u potvrdi.


**Tačka 4. Žalbe** – Cijena ponude – Fidges upravitelj u svojoj Ponudi dostavio je ukupnu cijenu radova i nabavke, u Ponudi nije naznačena jedinična cijena, te je Ugovorni organ ocjenio da istu može uzeti u obzir, budući da su se rukovodili kriterijem naniža cijena ponude.

**Tačka 5. Žalbe** – Fidges upravitelj je dostavio Ponudu numerisanu i uvezanu na način da je osigurana jemstveniko. Ugovorni organ je u tenderskoj dokumentaciji naznačio da Ponuda neće biti odbačena ukoliko su listovi ponude numerisani na način da je obezbjeđen kontinuitet numerisanja, te će se smatrati manjim odstupanjem koje ne mjenja, niti se bitno udaljava od karakteristika, uslova i drugih zahtjeva utvrđenim u obavještenju o nabavci i tenderskoj dokumentaciji. Za Ugovorni organ nije bilo bitnih odstupanja po pitanju numerizacije, i isti je uvažila.

Uzimajući u obzir navedeno Ugovorni organ je ustanovio propust prilikom pregleda i ocjena Ponuda, te je shodno tome odlučio da uvaži žalbu Euro Prost doo Gračanica i stavi van snage Odluku o izboru najpovoljnijeg Ponuđača br.01-2-09-38-1108/19 od 27.11.2019.godine i Obavještenja Ponuđačima br.01-2-09-1109/19 od 27.11.2019.godine, te nalaže Komisiji za Javne nabavke da izvrši ponovno evaluaciju Ponuda u predmetnom postupku.

Pouka o pravnom lijeku :

Protiv ove Odluke može se izjaviti Žalba Uredu za razmatranje žalbi putem Ugovornog organa u roku od 5 (pet) dana od dana prijema ove odluke.



PREDSJEDNIK ŠKOLSKOG ODBORA

Mehmedalija Salihović

Dostavljeno:

1. Euro Prost doo Gračanica
2. Fidges Upravitelj doo Sarajevo
3. Komisija za javne nabavke
4. a/a